



Pranuar / Dorezuar Primitjen/Prodato Received/Delivered	17-08-2023	3	viti god year
Organ /Njësia Organ /Jednica Orgj /Unit	Nr Prot Br Prot Prot No	Shloje Prilog Appendix	Sasia Kolicina Quantity
SHKËMBIC	5706/2023		115



Republika e Kosovës
Republika Kosova – Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.917/2023

Këshilli i Pavarur Mbikëqyrës për Shërbimin Civil të Kosovës–Kolegji për Shqyrtimin dhe Vendosjen e Ankesave i përbërë nga: Arben Mehmeti-kryetar, Malsore Gashi-Bajraktari dhe Eshref Shabani-anëtarë, me Avdyl Bekteshi-Zyrtar i Lartë për Bashkëpunim Profesional, në cilësinë e procesmbajtësit, ka shqyrtuar ankesën me numër A.nr.917/2023 të datës 05.07.2023 të ankuesi [redacted] të cilin më autorizim e përfaqëson Avokat [redacted] me adresë rruga [redacted], kundër Vendimit KA.Nr.23/23 të datës 06.06.2023 të Komisionit për Zgjidhjen e Kontesteve dhe Ankesave të Sekretariatit të Këshillit Prokurorial të Kosovës, në çështjen juridike “Shkelje e të drejtës në pagë”, duke vepruar në pajtim me nenin 6 paragrafin 1 nën paragrafin 1.1, nenin 16 paragrafi 3 dhe nenin 18 paragrafin 1 nën paragrafin 1.2 dhe 1.6 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 17.08.2023, mori këtë:

V E N D I M

- I. Aprovohet si e bazuar ankesë me numër A.nr.917/2023 e datës 05.07.2023 e parashtruar nga ankuesi [redacted]
- II. Shfuqizohet Vendimi KA.Nr.23/23 i datës 06.06.2023 i Komisionit për Zgjidhjen e Kontesteve dhe Ankesave të Sekretariatit të Këshillit Prokurorial të Kosovës, dhe çështja kthehet në rishqyrtim dhe rivendosje te Komisioni për Zgjidhjen e Kontesteve dhe Ankesave të Sekretariatit të Këshillit Prokurorial të Kosovës.
- III. Obligohet Komisioni për Zgjidhjen e Kontesteve dhe Ankesave i Sekretariatit të Këshillit Prokurorial të Kosovës, që brenda afatit prej 15 ditësh nga dita e pranimit të bëjë zbatimin e këtij vendimit, të bëjë rishqyrtimin e këtij rasti.

IV. Obligohet Drejtori i Përgjithshëm i Sekretariatit të Këshillit Prokurorial të Kosovës që të kujdeset për zbatimin e këtij vendimi të bëhet si në pikën III.

V. Këshilli i Pavarur Mbikëqyrës për Shërbimin Civil të Kosovës duhet të njoftohet me shkrim pas ndërmarrjes së veprimeve në pajtim me këtë vendim.

A r s y e t i m

Ankuesi, [REDAKTUAR] i punësuar sipas Akt Emërimit Nr. protokoli ZBNJ/DP-060/2014 të datës 07.05.2014 në pozitën *Analist* në Sekretariati të Këshillit Prokurorial të Kosovës, më datë 02.02.2023 nga znj. [REDAKTUAR] lidhur me klasifikimin e pozitave të punës sipas koeficientit, ku në mënyrë tabelare pozita e ankuesit është klasifikuar në profesional 1 me koeficient 5.85. Ankuesi për muajin shkurt dhe mars 2023 është paguar me koeficient të pagës 9.4, ndërsa nga muaji prill 2023 është paguar me koeficient të pagës 5.85, kështu që më datë 02.05.2023 ankuesi përmes emailit ka kërkuar nga Udhëheqësja e Burimeve Njerëzore që të njoftohet se si është bërë zbritja e koeficientit, duke mos marr përgjigje konkrete në këtë çështje.

Ankuesi më datë 10.05.2023 ka parashtruar ankesë në Komisionin për Zgjidhjen e Kontesteve dhe Ankesave të Sekretariatit të Këshillit Prokurorial të Kosovës. Komisioni për Zgjidhjen e Kontesteve dhe Ankesave të Sekretariatit të Këshillit Prokurorial të Kosovës, më date 06.06.2023 ka nxjerr Vendim KA.Nr.23/2023 me të cilin ka hudhë si të pasafatshme ankesën e ankuesit.

Ankuesi kundër Vendimit KA.Nr.23/23 të datës 06.06.2023 të Komisionit për Zgjidhjen e Kontesteve dhe Ankesave të Sekretariatit të Këshillit Prokurorial të Kosovës, më datë 05.07.2023 ka parashtruar ankesë me numër protokoli 5029/2023 në Këshillin e Pavarur Mbikëqyrës për Shërbimin Civil të Kosovës.

Këshilli i Pavarur Mbikëqyrës për Shërbimin Civil të Kosovës, bazuar në dispozitat e Rregullores Nr.02/2018 për Procedurën e Shqyrtimit dhe Vendosies së Ankesave, më datë 07.07.2023 ka proceduar kërkesën për përgjigje në ankesë te Sekretariati i Këshillit Prokurorial të Kosovës. Ndërsa Këshilli me datë 13.07.2023 ka pranuar përgjigjen në ankesë se bashku me shkresat lidhur me çështjen në procedurë.

Kolegji për Shqyrtimin dhe Vendosien e Ankesave me rastin e shqyrtimit ka administruar këto prova: Ankesën e datës 05.07.2023 me numër protokoli 5029/2023 e parashtruar nga ankuesi në Këshillin e Pavarur Mbikëqyrës për Shërbimin Civil të Kosovës; Ankesën e datës 10.05.2023 e parashtruar nga ankuesi në Komisionin për Zgjidhjen e Kontesteve dhe Ankesave; Akt Emërimit Nr. protokoli ZBNJ/DP-060/2014 të datës 07.05.2014; Konkursin për shpallje të brendshme i datës 13.12.2022; Vendimin KA.Nr.23/23 të datës 06.06.2023 të Komisionit për Zgjidhjen e Kontesteve dhe Ankesave të Sekretariatit të Këshillit Prokurorial të Kosovës; Vendimin me Nr. 04/128 të datës 16.02.2023 të Qeverisë së Kosovës; Komunikimet me telefon; Gjendjen e llogarisë bankare për ankuesin; Listën e pagave, janar, shkurt, mars, prill 2023;

Emailin e datës 02.05.2023 nga [redacted] për ankuesin; Emailin e datës 02.05.2023 nga ankuesi për [redacted]; Emailin e datës 04.05.2023 nga [redacted] për [redacted]; Emailin e datës 03.05.2023 nga [redacted] për [redacted]; Emailin e datës 02.05.2023 nga [redacted] për [redacted]; Emailin e datës 02.05.2023 nga [redacted] për [redacted]; Emailin e datës 05.05.2023 nga [redacted] për [redacted]; Emailin e datës 05.05.2023 nga [redacted] për [redacted]; Emailin e datës 02.02.2023 nga [redacted] për ankuesin; Emailin e datës 02.02.2023 nga [redacted], Tabelën e klasifikimit të koeficienteve; Emailin e datës 05.05.2023 nga ankuesi për [redacted]; Emailin e datës 02.05.2023 nga [redacted] për ankuesin; Kërkesën për përgjigje në ankesë e datës 07.07.2023; Përgjigjen në ankesë e datës 13.07.2023; Emailin e datës 12.05.2023 nga [redacted] për [redacted]

Kolegji për Shqyrtimin dhe Vendosjen e Ankesave pasi ka shqyrtuar dhe analizuar shkresat e lëndës ka konstatuar që janë përmbushur kushtet ligjore që lënda të **ktthehet në rishqyrtim dhe rivendosje** të organi i njëjtë, *sepse*:

Ankuesi në ankesën e parashtruar në Këshillin e Pavarur Mbikëqyrës për Shërbimin Civil të Kosovës, kundër Vendimit KA.Nr.23/23 të datës 06.06.2023 të Komisionit për Zgjidhjen e Kontesteve dhe Ankesave të Sekretariatit të Këshillit Prokurorial të Kosovës, pretendon se Komisioni për Zgjidhjen e Kontesteve dhe Ankesave në mënyrë të gabuar ka konstatuar se ankesa është e pasafatshme, ngase ankuesi asnjëherë nuk është njoftuar për vendimin lidhur me klasifikimin e koeficienteve, dhe ankuesi nuk ka marr asnjë njoftim zyrtar përveç një emaili replay nga znj. [redacted] po ashtu emaili i datës 02.02.2023 nuk kishte asnjë informacion në lidhje me mjetet juridike.

Kolegji i Këshillit, marr për bazë provat materiale të lëndës, ka shqyrtuar pretendimet ankimore të ankuesit, po ashtu ka shqyrtuar edhe ligjshmërinë e Vendimit KA.Nr.23/23 të datës 06.06.2023 të Komisionit për Zgjidhjen e Kontesteve dhe Ankesave të Sekretariatit të Këshillit Prokurorial të Kosovës, konstaton se siç pretendohet edhe në përgjigjen në ankesë të dërguar nga Sekretariati i Këshillit Prokurorial të Kosovës se Këshilli Prokurorial i Kosovës më datë 19.01.2023 ka nxjerr vendim për klasifikimin e pozitave të stafit administrativ, mirëpo në bazë të dëshmimeve të lëndës, ankuesi nuk është njoftuar asnjëherë lidhur me këtë vendimarrje, për më tepër më datë 02.02.2023 Udhëheqësja e Burimeve Njerëzve në Sekretariatit e Këshillit Prokurorial të Kosovës ka njoftuar vetëm stafin udhëheqës të këtij institucioni lidhur me klasifikimin e pozitave në këtë institucion, mirëpo nuk ka njoftuar ankuesin për ndryshimet lidhur me këtë klasifikim, ndërsa ankuesit të njëjtën ditë emaili i datës 02.02.2023 i është dërguar nga znj. [redacted] ka dërguar tek ankuesit me titullin "**për njoftimin e juaj, shih e-mailin**".

Në bazë të Ligjit Nr. 05/L-031 për Procedurën e Përgjithshme Administrative, respektivisht me nenin 3 paragrafi 2 është përcaktuar se: "*2. Procedura administrative është tërësia e renditur sipas ligjit e veprimeve procedurale dhe materiale të njëpasnjëshme të organit publik, që ka për qëllim përgatitjen dhe vendimarrjen për një veprim konkret administrativ, shqyrtimin e mjeteve juridike administrative, si dhe ekzekutimin e aktit administrativ*", me nenin 9 paragrafi 2 është përcaktuar se: "*2. Organi publik duhet të garantojë të drejtën e palës për t'u informuar mbi ecurinë e procedurës administrative, qasjen në dosjen dhe dokumentet e tij dhe të drejtën e njoftimit me mjete të përshtatshme, në pajtim me këtë Ligj*", me nenin 51 paragrafi 1, është përcaktuar se: "*Një akt administrativ fillon*

Këshillë juridike: Pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS

Lënda, A.nr.917/2023, datë 17/08/2023

Avdyll BEKTESHI

Zyrtar i Lartë për Bashkëpunim Profesional

Arben MEHMETI

Kryetar i Kolegjit



Vendimi i dërgohet:

- Përfaqësuesit të ankuesit Avokat [REDACTED]
- Drejtorit të Përgjithshëm në Sekretariatit e Këshillit Prokurorial të Kosovës;
- Komisionit për Zgjidhjen e Kontesteve dhe Ankesave të Sekretariatit të Këshillit Prokurorial të Kosovës;
- Udhëheqësit të Burimeve Njerëzore në Sekretariatit e Këshillit Prokurorial të Kosovës;
- dhe
- Arkivit të KPMSHCK-së.